

Ebu Bekrova ilahija

Moj Allahu podaj dosta
onom kom je skraćen mal,
siromahu koji dođe
s istinom na Dželil prag

Griješ je njegov, grijeh veliki
oprosti mu Ya Rabbi,
on je jadan i griješan,
rob ponizni, rob Tebi!

On griješi, zaboravlja
u gafletu podosta,
a Ti daješ vel'ko dobro
i poslije oprosta.

Gospodaru, grijesi moji
nakupljeni kao prah,
oprosti ih Svemogući,
još povećaj oprostaj!

Kakav je moj hal Allahu
malo dobra pri meni
puno lošeg a ita'at
slab ko konac svileni!

Zaštiti me od bolova
i želju ispuni mi,
bolesno je srce moje
a bolesnom liječnik si!

Rabbi, mojoj vatri reci
"budi hladna kad spržiš"
k'o što s' rek'o budi hladna
Ibrahima ne prži!

Ti si šâfî, Ti si kjâfî,
dovoljan svim prilikam'
Ti si tvorac i Gospodar,
Lijepog li zaštitnika!

Rabbi podaj svako dobro
davalac Si plemenit'
daj mi što mi duša žudi,
Na Put me uputi Ti!

Daj nam snage, Ti nas spasi
od čeg strahujemo mi,
Gospodaru, kad si sudac,
Tvoj pozivač je Džibril!

Gdje je Mūsã, gdje je 'Isã,
gdje je Yahya, gdje je Nũh?
Ebu Bekre, griješniče,
tewbu čini Allahu!!!